

## ТРОПАРЬ ПРАЗДНИКА, ГЛАС 1:

**В**о Иорда́не крещающуся Тебе Го́споди,/ Троическое  
 явился поклонéние:/ Родíteлев бо глас  
 свидетельствоваше Тебе́,/ возлюбленнаго Тя Сына имену́я:/  
 и Ду́х в виде голубíне,/ извествоваше словесé утверждéние,/  
 явлéйся Христе Бо́же,// и мир просвещей сла́ва Тебе́.  
 [Трижды.]

**И благословение хлебов по обычаю.**

**Таже, Буди имя Господне: трижды, и псалом:**

### ПСАЛОМ 33:

**Б**лагословлю Господа на всякое вре́мя,/ выну хвала Его  
 во устéх моих./ **О** Господе похвалится душа́ моя,/ да  
 услышат кротцыи, и возвеселя́тся./

**В**озвеличите Господа со мно́ю,/ и вознесем Имя Его  
 вку́пе./ **В**зысках Господа, и услы́ша мя,/ и от всех  
 скорбей моих изба́ви мя./

**П**риступите к Нему, и просветíteся,/ и лица ваша не  
 постыда́тся./ **С**ей нищий воззва, и Господь услы́ша и,/  
 и от всех скорбей его спасé и./

**О**полчится ангел Господень окрест боя́щихся Его́,/ и  
 изба́вит их./ **В**кусите и видите, яко бла́г Госпо́дь:/  
 блажен муж, иже упова́ет На́нь./

**Б**ойтесь Господа, вси святíи Его́,/ яко несть лишения  
 боя́щимся Его́./ **Б**огатии обнищаша и взалка́ша:/  
 зыскаю́щие же Го́спода// не лишатся всякаго бла́га.